



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶԻ ՄԵՂՐԻԻ ՀԱՄԱՅՆՔԱՊԵՏԱՐԱՆ

Հայաստանի Հանրապետության Սյունիքի մարզի Մեղրի համայնք
ՀՀ Սյունիքի մարզի Մեղրի ՁԱՅՂՈՒՆՆԻԿ 2, Հեռ. +374 286 4-34-23, +374 286 4-35-00, citymeghri@gmail.com, ՀՎՀՀ 09425378

N Ե-2173
13 նոյեմբեր 2025թ.

«ՊՐՈ ՇԻՆ» ՍՊԸ
ՏՆՕՐԵՆ
ԱՇՈՏ ՄՈՒՐԱԴՅԱՆԻՆ
«ԲԻԼԴԻՆԳ ԿՈՆՍՏՐՈՒԿՇՆ» ՍՊԸ
ՏՆՕՐԵՆ
Ա. ՄԿՐՏՁՅԱՆԻՆ

ԾԱՆՈԻՑՈՒՄ

Մեղրի համայնքի կարիքների համար կապալալին աշխատանքների կատարման պետական գնման N ՍՄ-ՄՀ-ԲՄԱՇՁԲ-24/01 պայմանագիրը մասնակի՝ 65 562 410 (վաթսուհինգ միլիոն հինգ հարյուր վաթսուներկու հազար չորս հարյուր տասը) ՀՀ դրամի մասով, միակողմանի լուծելու մասին

Մեղրիի համայնքապետարանի (այսուհետ՝ Պատվիրատու) և «ՊՐՈ ՇԻՆ» ու «Բիլդինգ Կոնստրուկշն» ՍՊ ընկերությունների կոնսորցիումի (այսուհետ՝ Կապալառու) միջև 29.03.2024թ. կնքվել է N ՍՄ-ՄՀ-ԲՄԱՇՁԲ-24/01 պայմանագիր, որի 1.1. կետի համաձայն՝ Կապալառուն պարտավորվում է նշված պայմանագրով սահմանված կարգով, նախատեսված ծավալներով, ձևով և ժամկետներում կատարել պայմանագրի թիվ 1 հավելվածով սահմանված ծավալաթերթ-նախահաշվով նախատեսված «Նոնաժոր բնակավայրում նոր մանկապարտեզի հիմնում» շինարարական աշխատանքները (այսուհետ՝ Աշխատանք), իսկ Պատվիրատուն պարտավորվում է ընդունել կատարված Աշխատանքը և վարձատրել դրա համար:

Պայմանագրի 1.3. կետի համաձայն՝ Պայմանագրով նախատեսված աշխատանքներն սկսվում են Պայմանագիրն ուժի մեջ մտնելուց հետո և կատարման ժամկետը սահմանվում է՝ համաձայն օրացուցային գրաֆիկի, իսկ Պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները՝ սահմանված են Պայմանագրի հավելված 2-ում ներկայացված օրացուցային գրաֆիկով: Պայմանագրի թիվ 2 հավելվածով Աշխատանքի կատարման ժամկետ է սահմանվել 365 օրացուցային օր:

21.03.2025թ. Պայմանագրի կողմերի միջև կնքված թիվ 1 համաձայնագրով Աշխատանքի կատարման վերջնաժամկետ է սահմանվել 2025 թվականի ապրիլի 28-ը:

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն, այն է՝ վճարել դրամ,

հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը, իսկ 2-րդ մասի համաձայն՝ պարտավորությունները ծագում են պայմանագրից, վնաս պատճառելու հետևանքով և սույն օրենսգրքում նշված այլ հիմքերից:

ՀՀ քաղաքացիական օրենսգրքի 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան, իսկ նման պայմանների ու պահանջների բացակայության դեպքում՝ գործարար շրջանառության սովորույթներին կամ սովորաբար ներկայացվող այլ պահանջներին համապատասխան:

ՀՀ քաղաքացիական օրենսգրքի 352-րդ հոդվածի 1-ին մասի համաձայն՝ եթե պարտավորությունը նախատեսում է կամ հնարավորություն է ընձեռում որոշել դրա օրը կամ ժամանակահատվածը, ապա պարտավորությունը պետք է կատարվի այդ օրը կամ այդ ժամանակահատվածի ցանկացած պահին:

Պայմանագրի 3.1.4. կետի համաձայն՝ Պատվիրատուն իրավունք ունի միակողմանի լուծել Պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում Աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է Պայմանագրի 1.3. կետով նախատեսված (ներառյալ՝ օրացուցային գրաֆիկը):

Պայմանագրի 3.4.1. կետի համաձայն՝ Կապալառուն պարտավոր է աշխատանքների առնվազն 100 տոկոսը կատարել անձամբ, պայմանագրով նախատեսված կարգով և ժամկետներում, իր աշխատանքային և տեխնիկական ռեսուրսով, ինչպես նաև անհրաժեշտ շինարարական նյութերով, միջոցներով ու պատշաճ որակով՝ նախագծին և ծավալաթերթին համապատասխան, իսկ 3.4.5. կետի համաձայն՝ պայմանագրի 1.3. կետում նշված ժամկետը (ներառյալ օրացուցային գրաֆիկը) խախտելու և Պատվիրատուի կողմից աշխատանքի կատարման նոր ժամկետ սահմանվելու դեպքում ապահովել աշխատանքի կատարումը սահմանված ժամկետում և յուրաքանչյուր ուշացված օրվա համար վճարել պայմանագրի 6.2. կետով նախատեսված տույժը:

Պայմանագրի 3.4.6. կետի համաձայն՝ պայմանագրի 3.1.4. կետով նախատեսված հիմքերով պայմանագրի լուծման դեպքում հատուցել Պատվիրատուին պատճառված վնասները և վճարել 6.3. կետով նախատեսված տուգանքը:

Պայմանագրի 5.1. կետի համաձայն՝ Պայմանագրի ընդհանուր գինը կազմում է 96 804 000 ՀՀ դրամ, որից 16 134 000 ՀՀ դրամը՝ ԱԱՀ-ն: Գինը ներառում է Կապալառուի կողմից իրականացվող բոլոր ծախսերը:

Պայմանագրի 6.2. կետի համաձայն՝ Պայմանագրով նախատեսված Աշխատանքի կատարման ժամկետը խախտելու դեպքում Կապալառուից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 տոկոսի չափով:

Պայմանագրի 6.3. կետի համաձայն՝ Պայմանագրի 3.1.3. կետով նախատեսված հիմքերով Պատվիրատուի կողմից աշխատանքը չընդունվելու, ինչպես նաև 3.1.4. կետով նախատեսված կարգով պայմանագիրը լուծելու դեպքում Կապալառուից գանձվում է տուգանք՝ պայմանագրի 5.1. կետում նախատեսված գումարի 0,5 տոկոսի չափով: Ընդ որում, տուգանքը հաշվարկվում է նաև Աշխատանքի արդյունքը Պայմանագրով սահմանված ժամկետում կատարելու, սակայն Պատվիրատուի կողմից չընդունվելու դեպքում:

